

長葛縣志卷十

息縣劉盼遂撰

列女傳第十

漢

徐母漢徐元直母也元直歸昭烈曹操求之不得乃挾其母使作書召元直母以元直事劉得其主不肯操強之母怒以硯擊操後元直聞母受困乃辭劉歸

魏

鍾會母張夫人字昌蒲太原涇氏人太傅鍾繇妾也有婦德繇貴妾孫氏播嫡專家政心害其賢讒毀無所不至及妊娠愈更嫉妬乃置藥食中夫人覺而吐之眩眩者數日或曰何不向公言之答曰嫡庶相害破人之家古今以爲鑑戒假如公信我孰能明其事彼或心度我謂我必言固將先我言之事由彼發顧不快耶遂稱疾不見孫氏果謂成侯曰妾欲其得男故飲以得男子藥反謂毒之繇曰得男藥佳事聞於食中與人非人情也遂詢侍者具服孫氏由是得罪出繇問夫人何以不言夫人言其

長葛縣志

卷十

故繇大驚益以此賢之黃初六年生子會夫人性於嚴明于教訓會雖童稚勤加規誨年四歲授孝經七歲誦論語八歲誦詩十歲誦尚書十一誦易十二誦春秋左氏傳國語十三誦周禮禮記十四誦成侯易記十五使入太學問四方奇文異訓謂會曰學猥則倦倦則意怠吾懼汝之意怠故以漸訓汝今可以獨學矣雅好書籍涉歷衆書特好易老子每讀易孔子說鳴鶴在陰勞謙君子籍用白茅不出戶庭之義每使會反覆讀之曰易三百餘爻仲尼特說此者以謙恭慎密樞機之發行已至要榮身所由故也順斯術以往足爲君子矣正始八年會爲尚書郎夫人執會手而誨之曰汝弱冠見叙人情不能不自足則損在其中矣勉思其戒是時大將軍曹爽專朝政日縱酒沈醉會兄侍中毓晏還言其事夫人曰樂則樂矣然難久也居上不驕制節謹度然後乃無危溢之患今奢僭若此非長守富貴之道嘉平元年車駕朝高平陵會爲中書郎從行相國文宣侯始舉兵衆人恐懼而夫人自若中書令劉放侍郎衛瓘夏侯和等家皆怪問夫人一子在危難之中何能無憂答曰大將軍奢僭無度

吾常疑其不安太傅義不危國必爲大將軍舉耳吾兒在帝側何憂聞且出兵無他重器其勢必不久戰果如其言一時稱明會歷機密十餘年頗豫政謀夫人謂曰昔范氏少子爲趙簡子設伐邾之計事從民說可謂功矣然其母以爲乘僞作詐末業鄙事必不能久其識本深遠非近人所言吾常樂其爲人汝居心正吾知免矣但當修所志以輔益時化不忝先人耳常言人誰能皆體自然但力行不倦抑亦其次雖接部伍必以言信取與之間介畫分明或言此無乃小乎答曰君子之行皆積小以致高大若以小善爲無益而弗爲此乃小人之事耳希通慕大者吾所不好會自幼少衣不過青紺親營家事自知恭儉然見得思義臨財必讓會前後賜錢帛數百萬計悉送公家之用一無所取年五十有九甘露二年二月暴疾薨天子手詔命大將軍高都侯厚加贈喪事無細巨皆一供給

三國魏志鍾會傳注引會爲其母傳

晉

鍾氏字琰王渾妻太傅繇曾孫也數歲能屬文及長聰慧弘雅博覽記籍美容止善嘯

長葛縣志

卷十

一一

詠禮儀法度爲中表所則渾弟湛妻郝氏亦有德行琰雖貴門與郝雅相親重郝不以賤下琰琰不以貴陵郝人稱鍾夫人之禮郝夫人之法云生子濟少有逸才風姿英爽氣蓋一時琰嘗與渾共坐見濟趨庭而過渾欣然曰生子如此足慰人心琰笑曰若使新婦得配參軍生子故可不啻如此參軍謂渾中弟淪也琰女亦有才淑爲求賢壻時有兵家子有俊才濟欲妻之白琰琰曰誠是才者其地可遺然要令我見武子乃令兵與羣小雜處琰自幃中察之旣而謂濟曰如此衣形者是汝所擬非耶濟曰是琰曰此才足以拔萃然地寒不有長年不得申其才用觀其形骨必不壽不可與婚遂止兵兒數年果亡琰明鑒遠識皆此類也

韓康伯母殷夫人揚州刺史殷浩之妹聰明婦人也康伯生數歲家酷貧至大寒始得襦夫人自成之令康伯捉熨斗謂之曰且著襦尋作複幃康伯曰已足不須複幃也夫人問其故答曰火在熨斗中而柄熱今旣著襦下亦當煖故云不須耳夫人異之知爲國器後康伯爲丹陽尹夫人隨之在郡時吳山之隱之兄弟遭母童夫人報朝

夕哭臨號踊哀絕夫人每聞二吳之哭輒爲悽惻語康伯曰汝若爲選官當好料理此人康伯後爲吏部尙書隱之遂大貴達夫人所隱古儿毀壞外孫卞鞠之見儿惡欲易之答曰我若不隱此汝何以得見古物及隨孫繪之之衡陽於闔廬洲逢桓立夫人謂卞鞠之曰我不死見此豎二世作賊在衡陽數年繪之遇桓亮之難夫人撫屍哭之曰汝父昔罷豫章徵書朝至夕發汝去郡邑數年爲物不得動遂及于難夫復何言

據世說新語德行風惠賢媛等篇及劉注纂成此傳

明

韓氏庠生武尙文妻崇祀鄉賢龍洲女也尙文早歿遺孤二皆穉親族哀其貧以錢二十千爲贖韓辭曰吾夫素以廉靜自守不好與人多交今若此非夫志也拒而弗受將所遺田產盡付伯氏耕種事姑撫子備極諸艱韓不識字每課子以句讀字數計之誦不失點始已少誤輒扑之雖母教嚴若父師焉仲子際盛戊子副榜

田氏庠生楊慎成繼妻前妻子女撫養若己出氏子連周入監授漢中府照磨

長葛縣志

卷十

三

孫氏左文林妻內行貞淑事翁姑以孝聞性喜施捨有求輒應門有槐蔭嘗於樹下設茶以飲行旅凡折薪汲水皆躬自勞苦而不假人手歷三十年如一日得年七十三清

張氏時莊胡文玉妻太學生殿熬之母也二十四歲夫故取姪殿熬爲嗣氏村有張某素無賴誘賣翟姓二女於外翟不察以略誘處女等情誣告殿熬由縣而省拘數年冤莫由仲氏不憚跋涉各處訪查乃於山西陵川縣見二女詢知原委遂登堂聲冤請將二女解回歸翟姓認領氏寓書殿熬云翟女尋回真相已得不必供出張某致滋蔓累若省憲再鞫兒自認罪可也殿熬將母書呈閱省憲拍案歎曰此真賢婦也案遂結嘉慶十四年縣令鄒公贈額曰賢淑可風十八年歲荒氏有餘穀欲賑乏又恐貪人冒利曰有願食穀者年豐倍還於是貧民爭領穀氏總計人數按口頒給共輸穀五十餘石次年豐收貧民如言倍償氏取簿出同衆焚之壽七十二歲而卒孫三人金聲太學生金銘務農金三邑庠生

袁氏黃建中妻二十一歲而寡夫兄弟三人夫居長氏有私田三十畝慨捐入公曰私產者離間骨肉之媒也將安用此

郭氏趙文忠妻夫兄弟三人家貧佃爲生氏母家饒資財另置田二十餘畝慨捐入公兄弟欲償以租堅不受

郭氏尹元妻夫亡氏二十有五貞潔自守尤輕財樂施尹堂村重修二郎廟氏慨捐二百餘緡

曹氏儒童趙佐之妻重義輕財有田數頃寒施衣飢施食以濟困窮乾隆四十七年邑令旌其門曰端淑可風

李氏王海元妻舉人李掄元增生李兆元胞妹也氏生五女無男海元以乏嗣故納妾胡氏年餘生子世昌海元卽逝李氏御下以仁嫡庶無間又捐沃地八十畝創辦學

校光緒三十三年縣令朱公奏請賜其子世昌同知銜
袁氏楊習傳妻溫恭淑慎婦德母儀兩擅其美里黨嘖嘖焉年一百一歲雍正五年奉

長葛縣志

卷十

四

旨建貞壽坊

宋氏武太臨妻幽閒貞靜事繼姑以孝聞繼姑性嚴急氏曲意承志姑爲之化太臨兄弟四人居仲分炊後兄嫂繼逝子女俱幼氏視若己出姪女輩嫁資身獨任之姪錫齡稍長教之讀入邑庠壽八十九歲

李氏趙志端之母賢孝之聲素著道光四年縣令陳公贈額曰淑德流芳

楊氏張蔚藍嫡室溫惠誠靜畢生無疾言遽色遇婢妾常抑然下之若惟恐拂事親孝夫宦京十餘載屢議迎母母以年老路遙不欲遠別親族命氏往氏曰吾姑不往吾何忍舍姑去因勸夫置妾恆身侍姑左右姑亦頃刻離之不樂母家貧氏節所得月費以供母數十年如一日胸懷坦白初不知有機械事鄉鄰以困苦乞請輒舉而與之靡所惜或有詐而爲利者不計也年五十二歲

趙氏巡檢武克寬妻勤慎慈惠于歸時年十六家產淡薄翁姑見背惟有篤病祖姑殘疾叔孀寬爲貧故學商於許氏一身而事二老晝操井日夜勤紡織以供一家衣食

之需後家漸康夫弟四子氏一子氏與夫弟商新置田宅化二爲五命子金隴立五美堂以誌地畝時稱忍讓

李氏宗太山妻子歸時甫十五家貧如洗又值姑亡翁老氏勤針指易甘旨承歡有胞弟三人一最幼乳哺提攜如母愛子至今里人猶稱其賢

王氏陳廣智妻賦性孝友教子義方邑紳上聞時大總統特加褒詞並賜額曰孝義之門

孫氏路道德妻事親以孝待下以慈溫恭貞靜族黨交稱縣令王錫晉額曰寶婺星輝壽八十

張氏徐錦章妻性溫和住城東坡徐村三十二歲孀身無子女堅志守貞取夫弟同章子仁傑兼祧撫如己出仁傑遊學同章憂家貧難供氏曰按兄弟析產例乃兄應分地十四畝願罄所應有地以供仁傑仁傑卒遂得留學美國大學畢業氏之力也節婦略

長葛縣志

卷十

五

明

于氏程黼妻黼任寧津知縣卒於官氏年二十六後子顯娶王氏女生子圮未逾歲顯亦卒王年二十四家貧或諷其他適王氏泣曰吾姑守節若不能繼生無以見姑死無以見夫姑婦孀居終身正統中有司奏聞旌爲雙節云

羅氏廩生張旋妻旋卒子士賢年甫一歲家貧甚氏織紡奉翁姑六十餘年嘉靖三年建坊旌之

張氏崔榮妻榮卒氏年十九子汝節方在襁褓氏事姑撫子成立補邑廩生萬歷三年有司奏聞建坊旌表

劉氏廩生韓應祥妻祥卒氏年二十四以節自誓歷四十餘年子槃有孝行萬歷三年建坊旌表

關氏孟仁妻二十五歲而寡矢志靡他鄉人稱之子學思亦早歿妻范氏二十一歲亦苦節萬歷間知縣朱與翹旌曰姑婦雙節崇禎間知縣聶明楷旌曰慈孝雙貞知縣

李在公旌曰節孝齊美

孫氏生員楊春嘯妻春嘯死無子有母存氏壹志養姑晚節愈堅鄉人憫之天啓四年事聞建坊旌表

張氏舉人孫麟種妻夫亡年少孝事翁姑麟種弟麟治亦早卒妻呂氏潔志齊操織紡度日一門雙節

韓氏廩生羅珠妻珠應試死園中韓十八遺孤在襁褓家貧誓無他志晝夜紡績奉姑甚謹撫孤成立守節五十餘載

孫氏張華先妻先早逝氏十七而寡遺腹子慎行苦心撫育事姑課兒慎行早列弟子員壽六十四而卒

呂氏生員張麟德妻年十八夫卒子生旬日翁姑欲奪其志氏曰子死則晨昏無託婦去則中饋誰繼剪髮自誓翁姑憐焉甘蔬勤紡皎若冰霜子耀宗英年騰聲譽序年逾七十邑令具額旌焉

長葛縣志

卷十

六

潘氏李士傑妻年十八而寡撫育孤子性至孝姑常臥病百方侍藥終身不懈孀居五十餘載卒邑令以柏舟砥節旌之

蘭氏張士純妻純卒遺孤克岐二歲煢煢子立父母憐之欲奪其志蘭以死自誓茹苦紡織子稍長課之讀補邑弟子員

梅氏曹汝楫妻楫卒氏年二十五無子擇姪四知爲嗣撫養成立補邑弟子員

張氏樊宇妻宇卒氏年二十遺孤二松梅並在襁褓中氏刻苦勤紡績撫子成立有司申上旌表

苗氏張相妻相卒苗年二十九子女俱無勵志艱苦歷四十餘年

陸氏呂琰妻琰卒氏年二十三家無宿儲兼無子女守節四十餘年節操凌霜士民旌其閭

谷氏李藩妻藩死氏年二十有二撫育遺孤三人各抵成立享年七十餘有司旌其門李氏歲貢黃朝聘妻朝聘辛巳殉難氏誓不欲生以救免嗣子祚蕃二齡李潛移覃懷

教育成立

尙氏年十七歲夫庠生呂洪勳死冰操甚堅教子允修耕讀壽七十二卒

申氏李九功妻夫亡氏年二十六與弟婦于氏皆孀居盡織紡辛勤以爲子得先束脩之資三十餘載得先乙未拔貢

李氏楊慎德妻十九歲而寡苦節五十年撫子成傳聲振鬢宮子婦蕭氏亦孀能繼姑志撫二子英青入泮稱爲一門雙節

張氏貢生楊慎思妻思早逝所遺子女四人皆妾魏氏出二母撫養教育後皆成立董氏宗士星妻夫亡氏方二十歲撫育遺孤翁姑欲奪其志堅志不從憂鬱成疾卒

清

樊氏府庠生李毓桂妻明季夫亡遺孤鈞衡七歲時遭荒亂躬自舂汲屢經播遷卒能保全孤子教誨成立禮部郎中張易賁額曰奇節格天妾郭氏年二十無出與氏同居皆苦節五十餘年

長葛縣志

卷十

七

王氏李英妻英死氏年二十遺子汝霖甫四歲孝事翁姑教子入庠食餼

陳氏郭養心妻夫亡氏年二十五祖姑九十餘翁姑俱七十餘遺三子一女皆幼家貧氏勤女紅孝翁姑有司旌其門曰節孝參天享年九十七

桑氏廩生陳明翰妻孀居四十八年有子二長克岐貢生孫九人長蘊淳拔貢次蘊濬食餼曾孫十人俱業儒

張氏楊存性妻適夫二年夫亡撫孤守節八十七歲

路氏李法古妻十八歲夫死守節歷明季亂百折不回子正發邑庠生享壽八十餘歲韓氏庠生李應賓妻應賓死節氏年二十誓以身殉以翁姑勸而止生遺腹子世篤早入邑庠年八旬邑令米漢雯旌其門曰畫荻霜操

劉氏程良芳妻芳亡遺二子一三歲一方五月氏年二十辛苦備嘗二子皆有立邑令何鼎額爲筠操冰心

董氏王澤遠妻遠死無子氏年十八立姪爲嗣節堅冰霜

李氏阮文傑妻夫歿于亂遺子三人氏年二十九姑有病貧不能得藥告天割股進姑病遂愈撫養三子俱成立壽八十三歲

薛氏劉紹漢妻夫亡遺子二俱幼勤紡績以養親育子邑令何鼎獎曰純孝完貞

萬氏張芳聲妻喪夫三月生遺腹子明末遭亂苦節撫孤娶婦朱氏子又病亡兩月朱亦生遺腹子萬哭子喪明姑婦矢志邑令米漢雯獎爲一門雙節邑令何鼎獎爲節孝維風

宋氏庠生邢國完妻完卒氏年二十六遺二孤長紀次繕氏堅志績紡以供朝夕後紀入庠克繼家聲氏壽至九十四

路氏李枚妻枚亡遺二孤長述廣次述膺氏年二十三撫孤成立述膺食餼

冀氏左楷妻楷卒氏年二十四遺子起娶妻趙氏生二孫長炳次沂起卒姑婦織紡度日後炳中式癸卯科武舉沂中式丙午科武舉邑人表其門曰介節長年八十四歲而卒

長葛縣志

卷十

八

李氏古世璽妻夫亡氏年三十翁姑年老撫子成立苦節五十七年

樊氏馬智幾妻智幾隨父希周任山東按察司經歷崇禎十五年冬東省失守希周死事智幾從死時氏在本籍年二十三矢志靡他撫育二子襄永成人守節六十年

陳氏黃朝薦繼配薦卒氏年二十八遺子光祚光裕皆弱齡氏主持家務內外嚴肅二子俱入庠

安氏光山教諭冀養浩妻明末避亂河朔勤事緝績奉養舅姑及隨夫歷任南陽以清操佐于內二十八歲夫亡撫三歲孤教之入庠次女爲邑庠生左輔英子妻亦二十寡苦志守孤

楊氏庠生李芳明妻夫與翁姑相繼亡遺子長春數歲氏誓天日未亡人不死者以有此子在遂三喪並舉遞遭饑荒日不舉火訓子讀書弱冠入庠邑令何勝光旌曰霜節撫孤壽八十三歲卒

唐氏左國賓妻夫早亡遺子在襁褓編姑呂氏病危氏祝天割股病旋瘳氏亦無恙人

以爲節孝所感

齊氏耿國英妻夫亡氏年二十四撫三歲孤成立不廢家業苦節四十七年

李氏庠生楊文傑妻二十六歲而寡一女在襁褓依伯氏居紡績自給歷三十餘年邑令米漢雯旌曰貞潔可風許元卿旌曰柏舟起化

李氏庠生馮時昇次子婦二十三歲夫亡無子氏自縊家人救之立姪爲嗣邑令何鼎獎曰筠節維風

朱氏庠生馬銓妻夫亡遺孤方月餘氏孝事翁姑備極艱辛歷四十七年邑令何勝光旌曰孟母齊芳吳泰旌曰冰霜苦節署縣事章貞旌曰節孝可風

唐氏董鹿鳴妻夫早亡子幼父兄圖財逼令改適氏誓死不從育二子成立壽七十餘歲

孫氏庠生楊惺妻夫早亡氏守節撫孤七十二歲終邑令何鼎旌曰節壽齊高

李氏候選州判李藍女庠生陳星聚長男之妻夫亡氏年幼翁姑問其終身氏答曰生

長葛縣志

卷十

九

爲陳家人死爲陳氏鬼何必問况有子女自宜守節終皆如言

李氏楊蓋妻年二十而寡其夫弟生員楊勉妻李氏年二十五而寡蓋無子勉遺一雛二氏事親撫孤皆曲盡其道邑令蔣汝頌額曰柏舟雙節制憲王公亦賜額曰一門雙節

陳氏陳三枚妻夫亡氏年二十四撫孤守節壽八十五歲卒

楊氏張行篤妻年二十六夫亡守節撫孤長子拱早歲入邑庠

朱氏魏喜妻入門一月值翁疾篤勤事湯藥告天茹素三年布衣終身又割股以進

張氏黃庭案妻十六歲于歸甫三月案故無子氏取胞兄庭琇子霞爲嗣撫養成名苦節四十九年乾隆十年奉旨旌表

孟氏李象謙妻十七歲于歸三年謙故無子取弟子釗爲嗣姑病誓以身代遂痊守節三十四年乾隆十年奉旨旌表

李氏孫應召妻年二十四喪夫父母翁姑憐其少欲遣之氏聞而泣曰奈之何以禽獸

目我欲引刃明志取姪紹孔爲嗣事翁姑和順生養死葬一一中禮乾隆十年奉旨旌表

趙氏孫紹孔妻年二十六夫亡遺二子氏痛絕數次姑李氏再三勸諭氏勉從姑命姑晚年病癱氏侍奉不離左右乾隆十年奉旨建坊

陳氏庠生桑挺妻二十六喪偶痛夫五世單傳一綫之係在六歲孤事親教子克昌厥後卒年八十五乾隆十一年奉旨旌表

李氏張淑齡妻年二十于歸兩載夫故矢志守節取姪爲嗣乾隆十二年五十七歲卒汪氏王天佑妻乾隆四十七年于歸時年十八三載夫故守節六十二年

李氏楊純源妻于歸八載夫故遺腹子越三月生守節六十三年
于氏楊惟榮妻于歸十載夫故守節三十三年

劉氏李廣運妻于歸時二十歲九載夫故氏素明女訓姑病癱數年氏奉養無間守節四十年

長葛縣志

卷十

十

吳氏李青林妻于歸時年二十九載夫故守節四十六年

趙氏田鑑妻嘉慶二十五年于歸時年二十四載夫故守節三十八年

陳氏王懷珠妻于歸時年十九五載夫故誓殉葬親族以翁姑耄老婉勸始止守節三十年卒

王氏李烈妻于歸三載夫故矢志靡他孝親無間里鄉共贈匾曰節孝可風

郭氏胡長寬妻年十七于歸四載夫故姑失明衣服飲食氏親經理者二十餘年無間言

梅氏胥培信妻十九歲于歸兩載夫故撫子成立孀居四十八年

呂氏李寅妻于歸六載夫故守節盡孝八十七歲卒

戴氏王志禹妻年二十一歲而寡茹苦堅守孝事翁姑

王氏胡崑玉妻于歸時年十九六載夫故取姪承嗣六十二歲卒

傅氏潘常興妻于歸時年十七六載夫故養老撫孤始終不倦

李氏潘道興妻于歸一載夫故矢志守節六十三年

黃氏宋天福妻于歸時年十八五載夫故矢志守節事翁姑極孝

閻氏高丙辰妻年二十于歸六載夫故事祖母暨翁姑均極孝順訓子又有義方

張氏顧世忠妻于歸時二十五歲一載夫故家貧奉養翁姑曲盡孝道守節四十四年

王氏田運隆妻年二十四于歸四載夫故矢志守節孝事翁姑尤勤紡織

饒氏楊魯智妻于歸時年十八五載夫故撫子成立守節三十九年

李氏王銘盤之妻二十四歲夫故守節年四十八卒

蕭氏王翰元妻于歸時年十八兩載夫故守節不去姑臥病十餘年氏侍湯藥始終不

懈

朱氏智安仁妻于歸一載年二十一夫故時翁久逝祖翁祖姑年均邁氏服勞奉養曲

盡孝道凡姑所當爲者氏盡代爲之

馬氏李瑞妻夫故時年二十八歲守節五十四年

長葛縣志

卷十

十一

劉氏監生路秉淦妻新鄭御史劉光三胞姪女也二十一歲于歸九載夫故教子嚴子

德保縣丞孫紹曾監生鴻勳武舉彤勳武生元勳世勳俱業儒河南巡撫錢奏請奉

旨准其建坊入節孝祠

王氏顧世燾妻十七歲于歸六載夫故守節訓子均極嚴歿後里鄉共贈匾曰節孝雙

全

曹氏劉吉祥妻于歸時年二十歲九載夫故深明女誠守節五十二年卒

劉氏李清泰妻于歸時年二十歲八載夫故立志守貞孝事翁姑慈愛小姑無不周至

張氏王林秀妻二十于歸五載夫故矢志貞守孝養翁姑歷久不倦

張氏劉範妻十七于歸三載夫故素嫻婦道守節不阿歷三十八年卒

田氏張友梅妻年二十于歸六載夫故矢志貞守善事孀姑

張氏王文舉妻年十七于歸八載夫故氏係儒家女素嫻女箴守節四十八年卒

陳氏郭清安妻年二十于歸三載夫故守節五十年

張氏胡道廣妻年十七于歸十載夫故守節五十年

張氏王法禹妻夫故時二十五歲守節六十三年翁姑病奉事湯藥晝夜不倦

莊氏商振國妻年二十四于歸一載夫故無子守節五十四年

李氏商經國妻于歸時年十八六載夫故守節四十三年克孝克勤

王氏智多才妻于歸時年十八五載夫故紡織養親翁姑壽均八十餘

武氏楊冠妻年二十于歸八載夫故守節四十四年

張氏孫景福妻年二十于歸七載夫故守節五十八年

蘇氏張賀魁妻于歸時年二十二七載夫故守節四十二年

田氏張金生妻于歸時年二十五周年夫故家貧知孝翁姑病親奉湯藥始終不懈

王氏黃仲甫妻于歸時年十六六載夫故氏嫻婦道孝事翁姑和睦妯娌守節五十四年

張氏黃嘉量妻道光三年于歸時二十歲七載夫故守節四十三年

長葛縣志

卷十

十一

楊氏監生田心和妻舉人浚渠之母道光四年于歸時年十九十載夫故守節四十九年有欽旌節孝額

胡氏劉棟繼妻于歸六載夫故時氏年二十七守節五十一年翁姑患病氏婉勸湯藥復痊以忍傳家九世同居氏之力也

王氏曹棠之妻于歸時年二十一六載夫故守節四十七年

劉氏楊會源妻于歸五載夫故時氏年二十五守節六十五年家赤貧翁姑病夙夜不離牀側者三載

溫氏王心泰妻溫應山之女于歸時年十七三載夫故守節三十九年
栗氏李善林妻于歸時年九十載夫故事姑以孝聞守節三十年卒

劉氏張書帶妻于歸時年二十五四載夫故守節三十三年姑患痿病氏奉湯藥不懈
胡氏孫致中妻道光十年于歸時年十九兩載夫故守節四十一年氏諳孝經夫沒時姑恐有他志氏剪髮立誓糟糠自甘

楚氏段青障妻于歸時年十八八載夫故守節五十三年事祖母翁姑曲盡孝道取繼承嗣

李氏楊長運妻于歸七載夫故時年二十七守節三十一年姑患腿疾不離側者二十餘年

陳氏宋收妻于歸時二十歲九載夫故守節三十八年

陳氏王書義妻于歸時年二十歲六載夫故守節三十七年翁沒姑患眼疾氏奉養益謹取繼承嗣

朱氏廩貢王西庚之妻夫早卒以節孝稱壽八十一歲

劉氏趙燕標妻于歸時年二十五載夫故守節三十八年

劉氏李景元妻道光十七年于歸時年二十四載夫故守節三十二年

胡氏張效先妻于歸時年二十三載夫故守節四十二年

范氏胡謙妻于歸一載夫故時年二十二守節四十年家貧紡績供翁姑

長葛縣志

卷十

十三

李氏范峯妻于歸時年十九一載夫故無子守節四十四年

蔣氏劉道立妻于歸時年二十兩載夫故守節四十一年

陳氏胡松五妻道光十七年于歸時二十歲五載夫故守節二十年取姪爲嗣

李氏楊居華妻于歸時年十八三載夫故守節六十一年取姪承嗣

宋氏許世元妻于歸五載夫故守節四十一年取姪承嗣

王氏燕明常妻于歸時年二十二兩月夫故守節四十一年

蕭氏張揜之妻年二十七夫故家貧攜孤育於母家苦節成家

喬氏牛萬里妻于歸時年二十二兩載夫故守節三十三年

盛氏王玉山妻年二十于歸二載夫故守節三十六年

張氏王秉午妻于歸時年十五載夫故守節三十二年

孫氏王秉蘭妻氏十五歸秉蘭十載夫故守節三十五年

李氏張心田妻于歸時年八十載夫守節三十五年姑患瘋疾親侍湯藥二十餘年

無倦

張氏司家振妻于歸三載夫故守節五十二年取姪承嗣

李氏段來賓妻于歸時年二十夫故時三十歲守節四十七年

王氏程長根妻于歸時年十四七載夫故守節三十二年

張氏桑居中妻于歸時年二十一六載夫故守節三十七年家貧姑病氏奉養惟謹

郭氏段鏡元妻于歸二載夫故守節四十六年家貧姑老氏孝養無缺擇姪承嗣

段氏張殯妻于歸時年十八十載夫故守節四十一年取姪承嗣

胡氏王清華妻于歸時年九十載夫故守節三十七年艱苦備嘗

邢氏張牛妻家貧年二十七夫亡撫孤苦守

王氏黃務本妻于歸時年十六三載夫故守節四十二年氏素嫻禮儀孝事孀姑

黃氏陳仲郢妻于歸時年二十二載夫故守節四十八年取姪承嗣教以義方

胡氏李方智妻于歸時年二十四載夫故守節六十五年

長葛縣志

卷十

十四

曹氏蔡尙賓妻于歸時年二十二五載夫故守節五十二年取姪承嗣

馮氏張青雲妻于歸時二十歲九載夫故守節五十二年

邱氏武呈瑞妻于歸時年十八八載夫故守節五十五年

張氏許同寅妻同寅被水浚死氏堅持婦道孝敬翁姑姑病參苓罔效乃祝告天地割

股以進姑病果愈八十一歲卒

張氏栗莊王思泰之兒媳也思泰癱瘓氏朝夕奉養不避污穢者六年

劉氏儒童李明性妻劉公拔之女于歸五載夫亡姑恆有疾氏奉侍無倦容

高氏李振化妻二十九歲夫故姑年高且病氏奉侍湯藥十年如一日

劉氏魏景周妻年三十夫故取夫兄庠生恩普次子爲嗣卒年五十六舉節孝

張氏洪光濟妻于歸九年夫故遺二孤守節盡孝後舉節孝有欽旌匾額

朱氏盛百泉妻百泉遭繼母之變幾難保生及娶朱氏事姑至孝繼母亦爲感格迹其

行誼巾幗中之矯矯者也

周氏盛朝海妻貧事翁姑至孝氏嫂楊氏失明氏事之如姑且戒子孫曰遇貧人不宜吝

李氏儒生郭蘭同妻未嫁時翁病篤招李來囑後事而逝氏遵姑命於柩前成婚服喪旬日後夫病故氏困苦備嘗歷十有三載卒

劉氏陳玉堂妻于歸四年夫卒姑病十餘年氏敬奉湯藥晝夜不離牀寢

李氏楚俊三妻姑病月餘不愈忽於夜間思食異味氏因割股食之果愈

丁氏雷馬養妻未冠笄時割股救母邑令王錫晉旌其門曰孝篤維坤

董李氏性淑善二十歲于歸期年夫亡氏恪守冰霜始終不渝事姑尤孝日夜不離

賈氏劉長清妻姑有病醫藥罔效氏暗割股烹進姑食之遂愈

耿氏時某妻家貧姑病因私割股食之姑由此愈道光二十六年縣令彭元海贈額曰

賢孝流芳

張氏羅鳳璋妻二十三歲夫故無子翁姑俱存氏矢志苦守翁姑病臥牀數年恪奉未

長葛縣志

卷十

十五

嘗少懈現年六十八歲

賈氏李西海妻十八歲夫故無子守節盡孝姑病侍側數十日藥必親嘗無或稍懈

馬氏張魯成妻入門三日夫亡翁姑病氏侍藥惟虔有司旌其門曰節孝雙全

朱氏張甫旺妻旺早卒氏善事翁姑茹苦堅守有欽旌節孝額

魏氏張維文妻善理家夫亡孝翁姑教子義方其子書紳十六歲入邑庠里人賢之贈

以陶孟遺風匾額

賀氏監生張雲峯妻姑病醫治不愈氏割股烹湯以進姑服之病痊

孫氏張保全妻年十六于歸期年夫亡姑抱病年餘侍飲食湯藥惟謹姑卒勸翁繼娶

未幾翁又亡繼姑亦亡氏終日涕泣節操益堅不出門不妄言數十年喜笑不見於

色

薛氏程金鏞妻事姑至孝同治年間賊擾洪庇寨氏負姑避難致傷左足遇賊賊憐其孝不忍傷之其孝足感人如此

李氏周文法妻于歸二年夫亡時二十二歲孝翁姑勤女工艱苦備嘗節堅松柏
劉氏黃學文妻溫恭謹慎孝行純篤姑病危氏祝天割股姑病以瘳
劉氏黃節儉妻二十八歲夫亡氏善持家內外嚴肅性至孝能得翁姑歡孀居五十年
壽七十八歲

呂氏周報妻二十四歲報亡性至孝姑年老起居不能自由氏與姑同處一室晝夜扶
持終無倦容

王氏范文舉妻性至孝無出夫亡姑年邁承歡朝夕歿爲刊石於墓人皆稱其孝云

董氏連有敬妻二十九歲夫故姑病朝夕侍衣不解帶及愈姑告人曰非孝婦吾早死
矣氏八十七歲卒

馬氏閻玉燦妻十七于歸期年燦亡氏貞靜守節孝事翁姑至老不懈壽八十六歲邑
令熊公旌有節孝匾額

尹氏武修德妻同邑尹德明女也翁染時疫潛割左肱肉寸餘和藥以進遂痊邑令王

長葛縣志

卷十

十六

公額曰純孝可風

田氏黃心銘妻十八歲于歸三載銘亡無子家徒四壁姑老多病藜藿不充乃以針指
易甘旨十餘年不倦鄉里賢之

王氏張天德妻孝事舅姑姑病氏籲天割股病立愈舅病氏復籲神亦瘳妯娌咸則效
之

頓氏李光芳妻年二十八歲夫故遺孤二歲家赤貧翁姑復衰老氏紡織以供朝夕機
聲常達旦

王氏監生姚金章妻金章恒商遊父老弟幼氏以紡織養老撫弟人無間言既翁寢疾
氏典釵釧資湯藥又割左肱入藥得愈

岳氏王鐵錘妻夫癡頑不知事生業家赤貧氏行乞養姑二十餘年

潘氏劉景辰妻夫亡時氏年二十九訓子有方姑病目不交睫歿葬如禮其母病亡亦
如之年八十卒

宋氏儒童段彤恩妻事姑純孝人無間言

趙氏儒童程金錫妻姑疾劇割股奉之疾遂愈

趙氏孟登祥妻姑行甚篤乾隆四十五年學政王公旌曰婦兼子職

劉氏閻寄印妻其姑病割股食之氏壽八十二

楊氏李金門妻新鄭教諭楊俊德女也氏十八歲于歸十載夫故氏雖生宦門事姑不

假奴婢姑病篤侍湯藥未嘗少怠姑臨終呼曰吾媳真孝婦也

李氏張濟川妻姑病夫適遠遊姑欲食肉家貧無貲氏割股以進病乃瘳

張氏郭文重妻翁病割股以進姑病又割股焉翁姑皆愈

徐氏廩貢項城訓導司儀妻素有孝行姑抱沈疴深夜割股姑食之遂痊

趙氏曹合順妻家奇窮姑病篤氏割股當藥以進病遂愈邑令王公額曰純孝可嘉

張氏李金倫妻事孀姑極孝姑病危與夫金倫同割股進孝聞一時

師氏楊永會繼配也善事翁姑生子彌月會亡氏欲殉姑曰楊氏存亡係此遺孤汝宜

長葛縣志

卷十

十七

自重乃止翁姑疾湯藥必親同治十二年巡撫錢公奏准入節孝祠

胡氏楊景嵩妻于歸九載嵩亡姑諭之曰汝翁既歿取姪承繼縣令鍾公表其門曰淑身貞志

王氏監生楊應花妻于歸暮年繼姑病癱氏割左肱肉食姑姑漸無恙

陳氏黃續長妻姑病痰迷時癡時顛氏晝夜扶持無怠容宗族稱孝

路氏監生張德純妻姑病劇服藥罔效氏割股奉之病遂愈鄰里共頌曰奇節庸行

邱氏魏天成妻事姑至孝夫亡氏二十八貞節撫孤壽八十歲公贈節孝獲壽額

桑氏樊宗遲妻姑病癱瘓久不愈爲禱神割股以進遂愈姑病時有叔甫三歲乳之猶子

王氏柔萬順妻于歸三月夫歿取兄子爲嗣孫八守節五十七年壽八十二

胡氏司豹變妻二十歸豹年餘豹歿家赤貧翁姑衰老氏勤紡織以奉翁姑始終不懈里人咸稱其孝

李氏馬玉銘妻歸銘四載銘亡氏三十四歲欲以身殉戚友僉以姑老子幼爲勸乃甘貧堅守困苦備嘗晝夜紡績奉姑撫孤

朱氏韓嵩生妻伉儷甚篤夫亡氏年十八祖母翁姑俱老氏矢志堅守事奉三老均得其歡嗣翁瘋顛家人畏避不前氏隻身奉養始終如一邑令王公旌其門曰柏節松操

李氏岳書賢妻夫亡苦守孝事翁姑邑令王公旌其門曰篤志貞純

閻氏劉丙辰妻善針指曉大義氏年二十四夫歿祖父舅姑俱在氏養老撫孤備甘旨祖父云婦孝若此吾無以報但願孫婦如汝於願足矣

陸氏李敬修妻監生陸同女也性純篤嫻閨訓歸敬修兩月而寡年方二十舅 衰憊多病氏嘗湯藥不離左右

辛氏范錦堂妻西關武生辛重光姊也于歸六載夫故家甚貧翁老子幼賴十指爲生活自食藜藿備甘旨承歡教子福增成立現年七十五歲

長葛縣志

卷十

十八

李氏馬驥良妻年十八于歸五載夫歿孝事翁姑姑病癱瘓奉侍惟謹守節三十餘年侯氏王國定妻年二十于歸七載夫歿孀姑在堂年老多病氏勤紡織易湯藥暇時談故事博姑歡終無倦色

俎氏奉祀生張在元妻子于歸十載夫故生遺腹子玉圃家僅中貧夫弟已析居姑沒喪葬皆獨任之

張氏凌金鏞妻溫厚和平事極孝今九十四歲尙存

王氏楊敬亭妻以賢孝聞舉人劉振甲表其門曰矢志承顏

武氏生員路榮乙繼配奉祀生武興詩女也性淑慎嫻姆訓事孀姑極孝姑七十餘患癱瘓常臥牀蓐氏侍飲食調護周至湯藥必親嘗晝夜不離側者期年

王氏張堂妻年二十九夫故撫孤誓守矢志不移代遂割股和藥以進母病愈

馮氏劉雲仙妻年十七于歸三載夫故姑老子幼誓志靡他養老撫孤各得其宜孀居四十餘載

侯氏陳繼祖妻于歸八載夫亡守節七十年壽九十八卒訓導趙作楫教諭秦文炳以柏節冰心旌其門子五甫妻宋氏性孝婉夫故守節五十二年八十歲卒邑令王公贈額曰節孝雙旌

高氏朱倫紀妻二十四歲夫故孝養翁姑生遺腹子麟教以義方壽登八十五歲縣令張公賜匾曰松操鶴算

王氏張平章妻于歸三載夫亡生遺腹子晉教以義方弱冠入庠氏守節四十四年光緒八年欽旌松筠柏操匾額

宋氏張松林妻三十歲夫亡氏以柏舟自誓孀居四十一年道光十八年欽旌節孝

王氏程殿選妻夫亡時年二十二歲痛絕者再家人勸止之旋生遺腹子正乾教育有方壽九十有九

李氏王承烈妻二十歲于歸七載夫亡無子誓以身殉家人多方勸導乃止姪孫定國承繼孀居四十八年道光十四年欽旌節孝雙全

長葛縣志

卷十

十九

張氏王世勳妻三十歲夫故遺孤子二又有孀姑在堂氏事姑課子咸有遺範光緒六年欽旌節孝

薛氏劉承先妻太學生薛義全女也氏賦性純篤貞靜幽閑年二十五翁與夫相繼逝遺孤二探芹三齡泮芹僅滿月耳氏矢志堅守孀居四十三年欽旌節孝

張氏庠生谷善養妻事姑尤孝十載姑筠相繼亡遺孤雲衢三歲氏茹苦教養早年遊泮守節三十七載袁大總統賜額曰節勵松筠並褒有白綬銀章

桂氏陳文光妻幼年守節感化強暴袁大總統賜匾額曰女宗共仰

朱氏李占魁妻于歸五載夫故遺孤欽堂矢志守貞迨抱孫未週歲而欽堂又亡氏與羅撫孫菁華讀書畢業袁大總統賜匾曰女宗共仰

趙氏楊崙妻二十一歲崙亡氏自矢不二道光二十六年鄉黨贈額曰節孝可風

朱氏張辛卯妻年二十于歸歲餘夫亡貧無立椎翁姑俱逝有八旬祖母龍鍾不堪遺一女尙在襁褓全憑紡績過度後厭世托身空門

孟氏郭俊妻嫻閨訓克盡婦道縣令彭公會贈額曰淑德遐齡

曹氏劉和尚妻二十二歲于歸三載夫亡遺子清一甫二歲熒熒子立父母欲奪其志氏以死自誓苦守七十三載光緒十三年欽旌節孝

胡氏張改之妻生員胡景銓胡觀光同母妹也二十適張門甫二年改之客四川物故氏含冰茹蘖五十餘年

高氏生員盛朝英妻二十四歲夫故無子家貧氏勤紡織奉翁姑矢志貞守孀居五十二年

孫氏張西銘妻十七于歸二年夫故堅志守貞入節孝祠

孟氏馬仲方妻十八歲于歸數月夫亡矢志靡他守節三十八十而卒

黃氏張晉三妻年二十四而寡無出矢志堅守有司賜匾額旌之

李氏生員張榜猷妻十八歲于歸年餘夫故氏守節四十餘年欽旌節孝

陳氏李鑫妻十九歲于歸三載鑫亡氏謹守冰霜壽九秩有餘

長葛縣志

卷十

二十

靳氏范本善妻三十歲夫故一子錫田長充本省學院書吏嘗教之曰處家宜忍讓行己宜恭敬壽八十五歲學政徐公贈匾曰松操荻訓

陳氏鄭九成妻于歸四年夫與姑相繼亡遺一子一女氏艱苦備嘗以規矩繩子孫壽八十三歲

喬氏張性成妻十九于歸三載夫亡勵志守節奉旨旌表

胥氏張思明妻十九歲夫亡苦守貞節村人嘉其賢共贈額曰松節荻訓

岳氏張光華妻夫病數月不瘳醫者曰此病不食新矣氏聞之淚下遂割股烹湯以進

邑令王公表其門曰壺德可嘉

陳氏宗臨川妻二十八歲夫亡遺一孤氏紡織爲生教養兼盡苦節四十年未嘗出一

怨言

楊氏李富玄妻夫早亡無出氏年十九勵志苦守取姪爲嗣壽八十一歲

晁氏李辰龍妻年二十四而寡二子幼藜藿不充者十餘年矢志不變

耿氏段法宗妻夫亡氏二十三歲堅貞自矢家雖奇貧而殷勤事姑同治七年四月十五日無疾而逝

魏氏胥瑞妻瑞早歿二孤俱幼餬口無資氏晝夜紡績藉謀生活壽九十而卒邑令丁公旌其門曰節壽雙高

馬氏張位西妻二十四歲夫亡子幼氏操懷松柏撫孤成人勵節三十餘年

馬氏蘇聚同妻年二十三而寡遺子在襁褓氏自誓不去姑病禱神刲股獲痊又二年子暴死夫弟某欲奪其志暗賣於樓張村張姓迫令去氏入門服毒死上憲判尸仍歸蘇縣令王公旌其門曰不可奪志

李氏高萬里妻二十二歲夫故氏貞潔自守五十餘年邑人贈額曰節壽並隆

李氏胥長明妻二十四歲夫亡無出夫弟二俱幼氏事老撫幼備盡孝友孀居五十餘年卒

蔡氏盛振運妻二十一歲夫故立志守節卒年七十一

長葛縣志

卷十

二十一

王氏李東妻二十五歲夫亡無子守節四十九年取姪爲嗣

路氏王景光妻幼寡治家勤儉嘉慶十五年旌曰志苦躬勤

黃氏田金堂妻二十八歲夫亡無出取姪爲嗣孀居五十餘年

王氏羅天榮妻幼年守寡節凜冰霜道光十九年欽旌節孝

路氏羅仁榮妻二十九歲夫亡孀居五十六年

楊氏州同李元振繼室二十三歲適李前室子建勳甫三歲氏撫育如己出期年夫故

時翁姑俱存遺孤尙在孩提氏養老撫幼終無間言

賈氏王聚財妻十七歲夫亡守節五十餘年

朱氏趙書堂妻二十九歲夫亡無子氏貞靜自守現年九十餘歲

岳氏趙戊壬妻二十五歲夫故生遺腹子一守節三十九年

張氏路順法妻年十七于歸三載而寡無出氏守節四十九年 大總統賜額曰節勵

松筠並准其建坊兼褒以白綬銀章

張氏趙慶元妻二十四歲而寡守節三十六年而卒

高氏黃殿卿妻幼年失偶家貧無依紡績自給卒能撫子成立知許州事王公贈額曰

陶孟徽音

黃氏尙永爵母年二十三歲夫故永爵尙在襁褓家計艱難終能撫子成立縣令贈額曰茹苦全貞

冠氏生員路至妻少年夫故撫孤貞守道光元年河南學政盧公贈額曰節孝雙全又爲奏請入節孝祠

黃氏生員路爾銑妻二十于歸五載夫故遺孤週歲氏艱苦備嘗邑令張公贈有松石傳芳匾額

王氏趙蘊章母幼年夫故撫孤成立教諭李瑛旌其門曰柏節松齡

楊氏岳萬里妻二十四歲而寡守節五十三年

傅氏岳存興妻二十歲夫卒守節四十四年

長葛縣志

卷十

二十二

于氏程金池妻二十九歲夫亡守節四十三年

岳氏張繼周妻幼寡道光年間旌

劉氏程思義妻二十八歲夫故守節五十年

潘氏辛世德妻二十九歲夫亡氏矢志靡他孀居五十年

羅氏冀福聚妻十八歲于歸期年夫亡子女俱無立姪爲嗣孀居四十三年

張氏黃欽妻二十五歲適欽五載欽亡時翁姑已逝子女俱無寡居五十五年

王氏黃彩妻三十歲彩故孝行純篤家規森嚴子姪有不率教者扑責不貸一門雍睦

無敢怠荒孀居六十一年

朱氏羅邦山妻二十七歲夫亡持身謹嚴不飾容止堅守四十九年而卒

李氏張慶保妻三十歲而寡守節五十年

劉氏張中妻二十歲夫故寡居六十三年

趙氏劉昂章妻三十歲夫故誓志靡他守節三十六年

李氏范祥太妻年二十夫故誓志貞守壽九十六歲而卒

劉氏監生胡南木妻二十七歲夫故遺孤僅數月氏撫育成立厥後子孫蕃衍祖武克繩縣令王公贈有五世同堂匾額

楊氏胡南薰妻禹州拔貢楊士琮胞姊也適胡數日而夫死矢志靡愆壽七十五歲取姪承嗣入節孝祠

李氏馬巨惠二十四歲惠故一子幼氏紡績撫寡居三十八年

范氏王樹勳妻二十歲適王九載夫亡勵志苦守撫孤成立各教一業壽七十二歲胡氏劉成業妻適劉三載劉故遺一子守志撫孤六十五歲而卒

劉氏監生胡青雲妻十八歲于歸九載夫歿遺孤均幼氏竭力撫育守節六十五年

姚氏胡南金妻于歸七年金歿無出取姪兼祧孀居六十五年

張氏胡長治妻于歸四年夫亡遺孤一氏守節六十餘年

何氏李同升妻二十一歲歸升八年而寡無子守節五十餘年入節孝祠

長葛縣志

卷十

二十二

白氏李瞻洛妻適洛十年洛故守節五十餘年

武氏儒童呂大路妻于歸三年夫故無出取姪庠生範九爲嗣壽八十五歲道光十七年欽旌節孝

楊氏李敬妻于歸三載敬亡氏教孤鵬翔入武庠二孫廣遠廣林入文庠曾孫芳溪歲貢候選訓導邑侯薩公額曰節孝可風

楊氏閤居敬妻年二十于歸夫亡遺一子氏守節五十餘年

惠氏董崇貴妻少寡守節邑令李公額曰鶴髮松操

梁氏張偉業妻十九歸業四載業亡無子氏矢志不移苦守五十餘年

陸氏程景秋妻光緒丙子入節孝祠

王氏趙位戊妻邑令王公贈額曰松老桂芳

張氏黃心江妻夫死國難氏年二十九遺孤崑玉文玉俱幼茹苦勵節撫孤成立崑玉玉早入邑庠壽八十一歲

薛氏黃善慶妻二十四歲而寡僅遺一女苦節四十餘年

張氏黃庭蘭妻十九歲蘭期年蘭亡前室遺二子鞠育備至守節四十餘年

王氏楊時溥妻監生炳母也年二十三而寡越三月而炳生氏茹苦育孤守節四十年
楚氏胡德妻年十七歸胡不數月而胡死氏父母欲奪其志泣而不從宗人感之爲立
嗣守節四十九年

符氏傅珣妻于歸二載珣亡氏年二十無子家貧苦守四十餘年

韓氏趙方勝妻二十一歲勝死無出誓不易節寡居四十餘年

馬氏張聖典妻二十一歲典亡家赤貧立志苦守孝事翁姑孀居四十九年

翦氏趙日旺妻同治五年日旺爲粵匪所戕氏貞靜自守撫育兩孤終身不渝

宋氏儒童陳五甫妻年二十于歸九載夫亡養老撫幼守節五十年姑侯氏孀居五十
六年光緒二十一年邑令王公題額曰節孝雙旌

霍氏趙拱辰妻年二十三于歸越四年而辰歿守節四十年邑令陳公贈額曰苦節可

長葛縣志

卷十

二十四

風

李氏楊長潤妻年二十七潤亡撫子永茂成立守節五十三年

徐氏張來朝妻監生德純母也年二十六朝歿氏勵操撫孤光緒二十年旌

朱氏張文學妻二十三歲而寡壽七十餘歲欽旌節孝

王氏張鳳翔妻年二十六夫故寡居四十八年

朱氏生員張逢申妻二十七歲夫故事親純孝人無間言孀居五十三年

孫氏馬法周妻道光十七年欽旌節孝

趙氏任思賢妻三十歲而寡遺孤又孀茹苦貞守壽六十八歲卒

王氏董建中妻年二十中亡道光五年舉節孝

趙氏廩生楊伯幹妻年三十幹歿守寡六十三年

張氏王萬倉妻咸豐四年夫被流寇所害生遺腹子克寬苦心撫育壽六十七歲光緒
二十一年閣學楊公旌題曰節孝可風

韓氏孟大德妻孀居六十餘年壽九十歲嘉慶四年儒學王以節壽雙高旌之

程氏孟振吉妻道光六年監察御史劉光三題曰懷清履潔

呂氏孟安吉妻二十七歲夫亡氏教養遺孤俾早成名咸豐元年學政劉公額曰荻蒔

柏操
趙氏孟繼烜妻年十九歸烜六載烜歿氏茹苦貞守教養遺孤廣德入泮孀居五十六年八十一歲卒

陳氏孟璐妻矢志守寡有節孝碑尙存

王氏孟毓妻堅貞自矢有節孝碑尙存

劉氏胥克明妻年十五于歸夫適患病氏親嘗湯藥未幾夫故矢志貞守取姪承嗣

張氏胥法堯妻于歸六年夫亡無子孀居六十四年

朱氏胥慶平妻結褵五載夫亡無子事孀姑惟謹取姪振先爲嗣

楚氏李泉妻年二十四夫故守節五十餘載壽七十六歲

長葛縣志

卷十

二十五

苗氏王繼武妻歸王三載夫亡遺一孤氏勵志堅貞爲子擇師入學稍懈輒扑之不少

貧乾隆五十五年儒學教諭李成給額曰孟機遺風

符氏王寶珠妻于歸三載珠亡生遺腹子堅志孀居布政司馬公表曰節孝流芳

朱氏翟萬善妻監生明倫之母廩貢貫之之祖母也十八歲于歸八載夫故事姑最孝

律已教子均以嚴著壽九十一歲邑侯王公上聞入節孝祠額曰柏節松齡

馮氏岸生段印錫妻二十三歲夫亡子幼氏撫孤成人守節三十餘載五十八歲而卒

孟氏許蘭章妻二十一歲夫亡生子甫月餘家貧孀居五十餘載壽七十三歲

胡氏李蘭芳妻二十四歲而寡恪守柏節壽六十餘歲

趙氏王奠宇妻子歸未及期年夫亡撫遺腹子志懷冰霜壽九十歲而卒

郭氏王掌印妻二十八歲夫故貞靜自守壽七十二歲卒

王氏劉繼堂妻二十八歲而寡志潔行芳事親尤孝壽七十五歲

張氏王敬誠妻中校畢業崇業母也二十八歲夫亡氏嫻閨訓守四十二年

李氏蘇省三妻子歸未成禮而夫亡夫節至八十一歲咸豐七年里人贈額曰節比松

錫
郭氏李雲漢妻二十二歲夫亡孀居七十載

張氏翦名山妻清咸豐三年粵匪犯境名山守尹家堂寨以火藥烘賊中毒謂妻曰吾爲公事死無憾氏曰君爲義士妾敢不爲義士婦時與名山同死者有左中華翦大東翦鳳魁三人氏與中華妻宋氏大東妻黃氏鳳魁妻張氏約俱死苦節

朱氏孫運威妻夫亡氏二十一歲柏節自勵苦守四十餘年

辛氏王維全妻合巹僅四十日全死欲捐軀又患姑老語人曰事親三年大事乃了期滿而卒乾隆二十三年鄉人爲之勒碑

李氏武生黃心正母年三十而寡茹苦撫孤教養成名壽七十餘歲戚里贈額曰柏節
松操

宋氏劉應詔妻孝事翁姑守節五十餘年

長葛縣志

卷十

二十六

張氏劉汝漢妻事翁姑孝孀居四十餘年

胡氏楊萬德妻幼年守寡壽九十三歲而卒

黃氏尹紹興妻二十三于歸三載夫亡家清貧翁姑俱衰曲盡孝道取姪爲嗣守節五
十一年

左氏申常玉妻年二十三而寡姑宋氏二目盡瞽氏竭力扶持無間初終現年六十歲
侯氏翟新成妻即欽旌節孝翟朱氏之孫媳也年二十于歸十載夫故遺男女各一敬
承祖母之訓卒年五十

李氏韓世祿妻入門年而寡逾二月生遺腹子西範苦守三十餘年

李氏張致和妻年未三十而寡苦守至節壽八十三歲奉旨旌表

蔡氏鄭多才妻乾隆二十六年教諭高文明贈額曰歐陶遺範

李氏馬玉銘妻年二十九銘歿養親教子贍給族黨光緒三十年詔旌節孝

馬氏王三元妻子歸時年甫十六八載夫亡誓死不嫁壽八十七歲

王氏張致祥妻守節三十九載禮部奏褒節孝雙全

曾氏王君玉妻乾隆五十一年教諭任莘元訓導謝掄秀表其門曰飲冰茹蘗

王氏喬修成妻于歸之日夫病已篤勉強成禮未合卺即逝時氏甫十九歲守節六十二載而卒

馮氏潘五妻二十四歲而寡日用不給藉紡織爲生誓死不嫁壽七十四歲

魏氏左德妻夫亡氏二十三歲一子尙在襁褓事親撫孤人無間言歷五十二載而卒
孫氏劉藝田妻年二十一歲夫亡無子矢志靡他取姪爲嗣後姪被捻匪所戕又撫姪孫成人歷七十九歲而卒

馮氏楊萬太妻監生中梧之母也二十六歲而寡守節三十五年光緒二十一年奉旨入節孝祠

趙氏楊藍田妻二十五歲而寡事姑孝謹守節五十六年壽八十一歲光緒二十一年舉節孝

長葛縣志

卷十

二十七

胡氏喬大義妻苦節三十餘年乾隆二十七年奉旨旌表建坊

趙氏陳德星妻二十一歲夫亡守節五十六年壽七十七歲欽旌節孝

李氏楊成德妻孀居無子女孝舅姑愛諸姪五十餘年如一日壽八十一歲卒

陳氏宋融菴妻二十九歲夫亡守節六十一年壽九十歲欽旌節孝

高氏婁伯史妻二十一歲夫故寡居五十六年壽七十七歲 大總統給額曰志潔行芳

董氏劉合五妻二十三歲夫故守節四十年壽六十三歲

張氏劉士賢妻二十三歲而寡節凜冰霜始終如一

喬氏張思榮妻二十二歲榮歿苦節四十餘年許州直隸州蕭公旌其門曰節屆古稀
賀氏張永泰妻二十九歲而寡遺三孤家綦貧氏日夜紡織撫育遺孤守節四十一年

壽七十歲

劉氏張百景妻夫亡氏二十五歲撫育遺孤備嘗艱辛守節三十八年

劉氏李克聚妻十九歲適聚僅二十七日聚亡撫前房子清猗成人壽八十八歲邑令旌其門曰節孝

徐氏李昌離妻二十五歲而寡貞潔自守取姪爲嗣壽七十七歲

邵氏李百福妻十九歲于歸三月而寡備嘗艱辛壽八十三歲邑令旌其門曰節凜冰霜

劉氏許離光妻二十六歲夫亡子女俱無取繼延嗣守節四十餘年

劉氏張作梁妻二十五歲而寡撫育遺孤堅守柏節壽八十三歲邑令旌其門曰松年柏操

劉氏胡濟時妻二十八歲無出喪偶勵志苦守孝事翁姑奉旨建坊旌表

劉氏庠生張伯純繼室夫亡遺孤嵐峰僅數月氏茹苦教育卒成名士壽七十三歲而卒

程氏張萬倉妻夫歿遺孤尙在襁褓奉姑撫孤人皆稱之壽八十一歲

長葛縣志

卷十

二十八

耿氏曹振邦妻年二十六歲夫亡遺孤方三齡家貧氏勤女紅以資餬口壽八十歲終

張氏趙鳳鳴妻歿氏年二十九歲遺二孤俱幼茹苦撫育孀居四十九載

袁氏武生張應亭妻夫歿氏年二十七遺子女各一撫育成人姑臥病氏親奉湯藥歷久不懈壽八十二歲

黃氏張晉三妻二十一夫故無子矢志堅貞取庠生賡颺爲嗣光緒十九年奉旨旌表張氏王印國妻十九于歸四載夫歿家道衰微境遇坎壈氏守貞不渝

趙氏丁甲三妻二十于歸七載夫歿矢志守節側室楊氏同貞邑令王公額其門曰松竹同操

張氏陸傳妻張其祥女也祥清貧氏年十二童養於夫家十九歲結褵四載夫故氏處困守堅始終不易

陳氏從九品路景曾妻幼讀列女傳十九歲適曾十載夫故遺三孤廷瑞廷擢廷珍氏竭力維持延師訓子廷瑞廷擢次第入庠廷珍亦列國學清光緒間奉旨旌表瑤池

冰雪壽八十三歲民國十年入節孝祠

楊氏儒生張慶祥母性慈婉夫早卒家貧事翁姑孝撫孤成立含辛茹苦鄉黨稱之

張氏張柱妻年二十九夫故家貧撫孤堅守
劉氏李聚妻于歸四月夫故時年二十一姑歿惟一翁存氏竭力奉養撫前室子若已
出矢志不移

蘇氏劉堯妻性淑慎年十二童養於夫家二十二歲冠笄兩載堯歿氏勤紡織易甘旨
始終不倦

薛氏劉嵩生妻精女紅于歸期年夫故氏年二十二矢死靡他取姪爲嗣

辛氏張太華妻年十七于歸家赤貧無怨言孝事翁姑六載夫故無出取姪承嗣

劉氏高九妻幼嫻閨訓孝由性成年二十一于歸五載夫故無出善事翁姑以盡婦道
守節四十七年壽七十三歲

陳氏張金太妻十七于歸十載夫亡無出歷事二姑賢孝罕匹尤難者叔與小姑均幼

長葛縣志

卷十

二十九

氏撫養惟恐不周嘗言叔能成立生子即可兼祧時有妄窺其產者其事遂寢

高氏蔡川妻歲歉翁姑俱餓口遠方祖父母在堂留川夫婦奉養未幾夫與祖父母相
繼逝氏鬻家具易棺木翁姑得耗歸欲奪其志陰納男子履於婦室誣以姦氏無術
自明暗攜毒藥鳴冤邑令王公斷令守節歸母家後翁病氏復歸侍湯藥益謹姑感
其孝和睦如初

王氏張拴牢妻年二十八夫故矢志撫孤卒能成立

王氏袁國堯妻十九于歸四載夫歿理家撫孤艱難迭嘗守節五十二年壽七十五歲
呂氏田仲方妻二十一歲于歸越四載寇匪擾境仲方率鄉團禦賊戰死氏曰夫得死
國無憾堅守苦節終身不易

呂氏時常明妻母家殷富明家極貧氏鬻妝奩助夫貿易三載夫故氏困苦備歷矢志
不移子森善治生產家以康泰

張氏牛天保妻二十于歸恪盡婦道有桓少君風六載夫歿氏撫育遺孤星燦入邑庠

王氏儒童趙聚德妻年十七于歸十載夫故長子澄波甫五歲次子五成尙在襁褓家貧翁姑多病氏養老撫孤人無間言

李氏張承翰之母十八于歸二載夫故氏哀毀異常撫孤守節白首全貞

呂氏李文琦之母十七于歸二載夫歿家貧賴氏紡績贍養翁姑後家道小康子姓蕃衍鄉里稱之

范氏陳家俊之母幼年喪夫氏堅貞自矢鄉鄰交稱縣令彭公贈額曰萱年永錫

吳氏張保太妻歲荒夫外出求食死時氏年二十聞耗涕泣不止後遺識其墓者往遷夫屍歸葬祖塋翁姑歿處困益堅

尙氏儒童周三元妻十八歲于歸九載夫故孝事翁姑撫姪鼎教以義方卒得名民國九年 大總統獎給白質銀章並贈額竹孝松貞壽八十歲而終

霍氏李金川妻秉性賢淑夫亡守節事翁姑以孝鄉里贈額曰淑德遐齡年九十三歲無疾而終

長葛縣志

卷十

三十

屈氏霍勤修妻于歸數月夫故守貞宣統二年鄉里贈額曰鶴髮水操壽八十三歲

汪氏劉源妻年十九于歸期年夫故生遺腹子一苦節五十八年壽七十八歲卒

李氏張居文妻十五歲適文越十載文故翁姑年老家貧如洗氏以紡績養翁姑取姪炳蔚爲嗣侄星蔚爲之請褒 大總統賜額一方狀一軸

蘇氏孝廉張德星妻性淑慎明大義十七于歸二十九歲夫故事翁姑孝撫孤成立族黨嘖嘖稱善

楊氏賈從儉妻亡事翁姑孝河南學政王大鶴賜額曰貞孝格天

范氏賈玉音妻許州知州贈有節烈可風匾額

翟氏賈國良之母及其嫂張氏各矢堅白不易初終公贈額曰節孝雙貞
朱氏高大全妻二十歲夫亡遺一孤孀居五十餘載

郭氏楊芳田妻二十五歲于歸五載夫亡誓無他志守節五十五年

閻氏岳繼祿妻青年喪偶孀居五十餘年

司氏宋玉奇妻于歸三載夫亡氏堅守柏節壽七十一歲而卒
徐氏張春元之母早年孀居現七十四歲
申氏張照離妻二十七歲夫故矢志不易現年七十歲
郭氏張璧妻二十三歲夫亡守節五十二年
翟氏張堯成妻三十歲夫亡守節六十一年
郭氏劉廣玉妻二十九歲夫故茹苦守貞現年七十九歲
劉氏張帶妻二十一歲而寡遺一子撫孤堅守壽七十歲而卒
時氏段振紀妻二十六歲而寡守節七十九年
趙氏段天德妻三十歲而寡子女俱無守節四十八年
朱氏段廷恩妻三十歲夫故矢志守節現年七十八歲
張氏段文道妻二十八歲夫故守節五十六年
魯氏張君彪妻二十四歲而寡守節五十載

長葛縣志

卷十

三十一

郭氏張大化妻二十歲夫故守節現年七十九
李氏張應照妻二十一歲夫故守節現年六十八
劉氏李春生之母三十歲夫故守節現年七十八歲
楊氏李長榮之母二十二歲夫故守節現年七十二歲
王氏李如意之母三十歲夫故守節現年七十一歲
呂氏監生張竣德繼妻年十七于歸姑已歿事翁極孝前房子鵬翥尚幼氏撫之劬勞
倍至二十九歲而寡守節五十六年

盧氏樊金麗妻年三十夫暴歿遺子女各三家給艱難茹苦守節終身無瑕卒年七十
三

岳氏劉觀瀾妻二十五歲夫故守節壽八十五歲而卒
劉氏申生妻二十五歲夫故守節現年七十二歲
趙氏張林妻年十九夫亡無出苦節三十餘年

張氏周秉蘭妻十七于歸四載夫故子女俱無家貧借紡織餘貲養姑極孝數十年如一日壽七十六歲而歿

周氏孫德身妻年十六于歸月餘夫亡苦節六十四年

桑氏孫保妻夫亡氏二十四歲子數月事姑撫孤苦節六十餘年

朱氏孫嵐光妻夫病割股瘳之

路氏王世福妻適夫家二年生一子夫亡撫孤守節壽至七十一歲

喬氏喬莊人幼字西村張姓張奇貧無立椎地推車陝西以圖餬口七年不歸亦無音信或傳已死父勒令張姓退婚張隱忍從之遂又與女擇配已聘訂嘉期矣氏誓死不從恐及期爲父所逼乘夜奔姑家路隔小洪河徒步而涉瀕危者再及見姑剗切陳情姑留之居且隱其事甫月餘其夫滿載歸涓吉成禮後偕夫歸甯至小洪河不覺泣下夫問故氏乃備言始末夫慰之曰今而後不令汝徒涉此水矣遂橋之名曰喬貞女橋橋旁有碑

長葛縣志

卷十

三十一

侯氏城西窪李村劉丙辰已聘妻也將笄而丙辰歿氏聞之慟謂其父母曰婦人之義從一而終兒已字劉氏固劉家婦願歸劉氏父母悲其志乃納諸劉氏展拜於丙辰之墓而笄焉時年二十事翁姑孝取姪景綸爲嗣景綸早歲入庠爲邑名士孫五廷棋庠生廷桂廩生

楊氏李履禮妻年十五未出閣而禮病亡氏聞之曰是吾命也遂告其父御歸夫家服喪三年閉戶不出孝翁姑睦妯娌鄉黨公贈額曰霜幃懿範

烈女畧

明

徐氏張綵妻綵亡徐即不食姑苦勸不從防閑少弛遂縊死柩前

桑氏楊慎微妻生員桑玉之女也崇禎間寇至被掠不辱死知縣李在公表其門曰貞烈

袁氏憲副邢國璽妻璽死王事子爲法爲憲守城不屈死俱見人物傳氏與仲婦董氏

季婦高氏並携其十餘齡孫女自山左旋里次曹邑值土氛起居民奔竄家人告曰事急矣請他往氏給之曰偵賊信得實未晚也乃與二媳授纆家人破窗救之氏叱之曰爾主爲國死忠吾其苟生以貽夫子辱遂舉火自焚家人復撲滅之俄取刀自刺其面血濺盈膚衣爲之赤家人知不可奪乃聽之氏偕兩媳女孫投館後深池各繫石衣襟而死婢從死者數人邑令張東俊廉其狀申請旌表云

李氏庠生呂洪緒妻年十八歲罵賊而死

呂氏庠生張文芳妻夫亡居孀遇賊大罵而死

蕭氏尹正元妻逆闖犯境同子婦張氏匿枳棘深處蕭氏被執罵賊不屈欲加之小張氏躍出大呼曰此吾姑也吾願代死遂並遇害

李氏鄉耆尹朝元妻廩生尹奇逢母也城陷遇賊掠其幼子氏大罵以頭觸小賊怒殺之賊帥義氏爲殺此賊奇逢有聞於時

楊氏左爲善妻善早歿有子四人輔璧輔漢則仲與季也明季大亂賊將至楊謂二子

長葛縣志

卷十

三十三

曰我病不能行自分已死汝輩速去二子曰寧死安忍離也賊至執二子不屈賊欲殺之楊杖而起厲聲大罵遂同遇害

韓氏辛卯舉人路充陸妻十六于歸事翁姑極孝辛巳賊至先一夕置酒與陸共飲曰借此一刻與君訣別泣下沾襟次日城陷被劫氏大罵不絕口賊取匕首刺之氏引頸受刃而死

郭氏庠生張範孔妻城破前一日謂其夫曰君慷慨義烈吾斷不相負城破投井而死吳氏庠生張勵妻生員吳明佐之女寇將至誓曰賊至斷不苟生伺間引繩自縊家人救免城破挈一幼女投井中賊引出之乃撞壁碎首血濺賊衣賊怒以刃刺脇而死楊氏庠生李又韶妻楊慎修女也城陷被執厲聲大罵賊怒以刃揮之仆地賊以爲死而棄之得不死人敬其全節保生焉

李氏花隱王玉璣妻明季寇亂略許及葛聞璣有幹才先貽以金帛欲收爲用璣欲遜頗以妻子爲念氏曰名節所關丈夫當決諸懷抱觀君猶有不忍之色不過以我爲

念耳君去我自爲計斷不遺君羞璣脫身走河北賊至不得璣擒氏詰之氏大罵賊怒并其二子磔之

呂氏郭海妻妻辛巳城陷被執怒罵賊以刃刺其背未殞乃抱其子投井而死

王氏尹貞鯤即別駕奇遇長子無子早亡氏年十九痛哭曰夫死何忍獨存誓必死家人防之絕食數日死

張氏孫希賢妻夫早亡遺一孤家貧無依氏勤紡績供養舅姑撫育幼子年四十二歲于明末城陷死難

丁氏陳鉦妻進士君明之姑也鉦疾篤無子一日與夫訣遂自縊死萬歷三年事聞詔建坊旌之

清

符氏生員程憲妻憲病彌留氏先自縊邑令表其門曰日月爭光

李氏柳開妻逆賊師尙詔等數千人入縣境石象莊見氏豔其姿偪之不從砍手足至

長葛縣志

卷十

三十四

死罵不絕口事聞建坊旌表雍正六年奉旨入節孝祠

趙氏閻洪妻咸豐九年捻匪將至避難紫房李村賊至氏恐不免投崖自斃

趙氏吳鎮南妻張莊人咸豐九年捻匪執氏迫之同行氏不從遂被殺

李氏王一德妻濟衆橋人咸豐九年十月二日捻匪入境氏於溪水河濱遇賊迫令從

行氏頓足大罵遂被害時年二十歲

張氏從九品田銘妻張莊人咸豐九年十月二日捻匪竄入氏抱幼女投井死

崔氏翦桂安妻尹堂人咸豐九年十月二日捻匪將至氏避難過橋穎遇賊急投崖死

時年二十四歲

米氏監生宋承恩妻咸豐九年十月二日捻匪入境氏扶姑避難遇賊被獲氏舍身護

姑賊怒以刃刺死

夏氏李大妻拐河楊人咸豐九年十月二日見賊入村怒罵被殺

章氏張常妻三十二歲五里宋人孫氏孫桂林媳三十三歲汪莊人吳氏楊保成妻二

十三歲關莊人岳氏王長法妻六十歲李氏馬石礮妻十九歲大馬村人宋氏趙福德妻四十歲趙莊人同於咸豐九年十月二日擒匪入境投井死章氏則抱兒女同溺其死尤烈

李氏張玄妻年十九歲大馬村人咸豐九年十月二日匪入氏家見氏少艾執之氏痛罵賊怒立時被害

王三姐王大用女拒姦身死奉旨旌表入節孝祠

陳氏陝西邠陽縣少尉陳浩然之女許字同邑趙金鎬未于歸而鎬亡氏請于父曰三從四德婦女大綱父既命兒爲趙氏婦趙氏雖亡不可渝也父如愛兒請將兒送往趙氏以盡婦道兒之志亦兒之命也父深嘉之遂命長子星堂御以往及至即詣新塋拜墓而笄乃服衰經敬事翁姑以時拜掃三年服除仰藥死縣令王公上其事命立坊旌之

馬氏王木旺妻八歲童養大家將笄而旺亡兩家父母憐其幼欲嫁之氏誓堅守週年

長葛縣志

卷十

三十五

赴塋拜掃歸遂自盡

馬榮姐年十八龍姐年十六鳳姐年十四俱馬賀章女大馬村人咸豐九年十月初二日擒匪入境三女逃難至岡劉村遇賊同投井死

李愛姐李春元女蘇樓人咸豐十年三月二十四日擒匪竄入村中脅女與其母胡氏母女交罵賊賊怒焚之同時慘斃時女年十六

馮占姑馮三元女十四歲馮村人張秀姑張福榮女十九歲大馬村人咸豐九年十月初二日擒匪入村同投井死

馮大姑監生馮百原女會河鎮人咸豐九年十月初二日擒匪將到與嫂彭氏避難至紫房李村遇賊逼之行女與彭氏罵大賊怒以刀刺死

侯蘭姑侯文敷女十六歲侯鑑姑侯文斗女二十歲侯標姑侯伯煥女十五歲侯大姐侯文斗孫女俱侯莊人同治五年八月初七日擒匪竄境蘭姑等同避難於王莊寨內寨破四人俱投水死

王兩姐王振川女桂姑王振東女均王莊寨人同治五年七月二十二日擒匪破寨二女被脅大聲罵賊被賊刺死

朱氏梅鐵錘養妻未冠笄遇強暴不屈死邑令王公上聞入節孝祠

薛氏馬賀章妻年三十八歲趙氏馬金妻年十九歲俱大馬村人咸豐九年十月二日擒匪至同逃難岡劉村遇賊投井

許氏馬興妻年二十八歲大馬村人擒匪亂逃難至岡劉村遇賊被執氏堅拒罵賊登時被刺死

劉氏王幹祖母咸豐九年十一月三日擒匪至被擄罵賊被刺殞命

朱氏王學妻年三十五歲王莊人擒匪至懼辱投河死

曹氏董大妻年八十四歲趙樓人張氏馬既成母年六十五歲大馬村人咸豐十年三月二十四日擒匪至張氏罵賊被刺死曹氏被焚死

胡氏王河長妻胡氏王玉貴妻喬氏王良貴妻俱王莊寨人同治五年八月初七賊至

長葛縣志

卷十

三十六

寨陷同投水死

張氏申萬福妻申店人同治五年八月四日賊執之氏怒罵賊刺之死

李氏胡永貞妻五十一歲胡莊人同治五年八月四日賊至投井

張氏楊協六妻楊儀拔莊人逃難王莊寨內宋氏王永全母胡氏王振殿妻栗氏王振朝妻俱王莊寨人同治五年七月二十二日擒匪破寨四人同投井死

李妮被李灼強姦未遂將妮母砍傷妮羞憤自縊死經洪縣長訊明呈河南檢察廳造冊報部司法部咨請內務部轉呈大總統褒揚民國十二年蒙獎節凜冰霜匾額一方

長葛縣志卷末

息縣劉盼遂撰

前志源流

順治徐志序 按徐志今佚

志者志其事之謂也作者咸曰邑之有志猶國之有史也余謂不然史於尊親聞見間異諱異辭志有寧樸勿華寧約勿媵存其誠著其事也事之在山川人物封建土田一里人得而詳之然百年之內不無興廢漸久舛訛不若志之攸存使後之賢者有所觀感而已余自癸巳任葛甲午春秋翁黃子來始議董修兵燹之餘版籍灰燼周爰諮訪走池陽李公僅獲錄本是歲因梓費維艱舉行未果今丙申夏余考績屆期葛諸君子不忍以缺略貽余未備復以續志勗余有成余始執鞭從事曰修明之事余之責也夫余與黃子狄門路子振九張子聞野武子亦隆辛子霞旭呂子蘭皋李子方旭邢子季芳張子復一尹子莘野李子昌期李子元冲張子相我商榷參訂劇彩摘實廣集思益以勒成一書宛日星之經天江河之緯地昭然在人耳目也即往哲前徽當時序志者

長葛縣志

卷末

秦有李令楚有黎令閩有學正堯有李令汴有宗正葛有方伯析義摘奇火藻山華極文字之工雖美不錄亦曰存其誠著其事也余何敢同子雲之漫然擬易郭公之傳疑春秋也哉清順治十三年仲夏月穀旦賜進士及第知長葛縣事楚濠徐昇題

康熙何志序 二通

長葛續志成何令錄其草本請序於余因爲之澄慮繕閱字櫛句潤乃進而告之曰斯志也徵事必謀諸人立言必本之己不敢以疑信參故世遠則略不敢以簡陋棄故近今獨詳爲綱有六爲目四十或重言以申意或更端以成章前後疊見不厭再三觀何令之用心可謂勤矣且何令亦知聖天子所以纂修大一統志之意乎察道里之遠近圖山川之險易不出戶庭智周萬國此通於天下者也若夫辨貞淫驗饒瘠敷生齒識益虛稽教養於官師採賢良於桑梓此則某邑某氏各自爲書者也然則是志也上以昭聖天子統御寰區之盛下以爲千百世觀摩考訂之資且以備天祿石渠之採擇觀風問俗之諮求安可不慎重其事雅馴其詞哉矧志固有體也都邑變遷名稱屢改而

山川形勝千古不易非博則遺漏者多矣官師人物勸懲所係既爲立傳必用史裁里巷之談不以辱筆簡而能咳乃云盡善藝文不精終爲疵類舍古就今是曰徇人其間議論亦惟有關於政治民生者可咨嗟反覆唱歎言之餘則列其原委不必誇多也予自檄中州續修各志以稿呈者十七餘部合於體者僅一二見而已今何令早作夜思日拊摩其民登之衽席求不負聖天子畀以一方之重寄而又出其餘力參訂成書其用心之勤如此吾知長葛之志可免疑與陋之弊矣且長葛古鄭地子產之衣冠劍佩在焉古稱子產有詞諸侯賴之今必有嗣音者俾言之文行之遠不失博物君子之號吾於何令有厚望焉故予序其志不爲溢詞惟舉作志之體式以弁諸首豈獨以告長葛凡兩河郡縣咸當視此以爲折衷可也康熙三十年歲次辛未季夏望日巡撫河南等處地方提督軍務兼理河道都察院右副御史加四級宣鎮固興邦題於大梁署中又

今皇帝二十有七載大中丞閣公奉命出撫中州剔釐利弊政教俱舉不期月而吏畏

長葛縣志

卷末

一一

民懷已臻久道化成之治矣聖天子在上百度咸勅文教聿興海隅出日罔不漸被况豫省聖賢肇跡之區考文徵獻猶有未備殊爲缺典蓋兩河舊有通志三十年未經修葺且蹂躪之餘典籍蕩然非所以應昌隆之運而爲邦家之光也爾乃大中丞羅上客於梁園置文壇於嵩麓復檄郡邑博採章程通行及葛捧讀憲章以欣以懼鼎以經生承乏五稔且簿書倥偬日不暇給每慮無以應采風而存方策也然恭逢盛典雖學慚二酉才乏三長敢不竭蹶趨承以應憲章所幸皇皇憲檄縷析條分依歸有自其間刪繁就簡補舊增新不敢恃一己之見聞而合士民之公論不敢憑一時之私憶而質故舊之信徵爲目三十有三爲綱有六爲言十萬有奇費時五閱月稿成申之撫憲不嫌荒蕪俯賜繙閱句櫛字潤定分正名若刪訛削逆凜然春秋綱目之遺法不特一時之疎忽可正而千載之是非已明更蒙不惜珠玉賜以弁言明之以博雅勗之以功名夫三都著作得名賢之敍而文始傳二陸聲名藉鉅公之許而人乃顯鼎也自慚鄙陋何幸得此獎借而附名於不朽耶是志也采之輜軒達之廊廟即巖爾一隅而我公理學

之淵源經論之巍煥已可概見矣謹序康熙三十年歲次辛未相月知長葛縣事楚南何鼎撰

乾隆阮志序

今上御極之九年夏大憲不以余不敏命宰是邑至則按舊志而稽之知夫陘山紫荆之秀峙潁河雙泊之橫流陳太邱德星之里黃太守集鳳之岡稍山堪礮四等土田城市村墟萬家烟火邑雖褊小猶足以圖治焉甫蒞數月即有修築城垣之役余方早夜鳩工莫敢違處會藩憲趙公檄飭修邑乘余何敢以城工告瘁委徵文考獻於他手耶黽勉祇承當急引爲已任矣特是志之難修也人非左董義爽筆削往往頌長吏則諛傳先達則誇紀名盛則附會摭文詞則浮華甚且論符衆口一人橋喙潛加改竄官吏不能校其非士大夫不能覩其籍遷延日久遂成掌故此舊志未可全憑也非徒葛邑爲然而况舊志自康熙三十年前任何令續修之後迄今五十餘歲未嘗增輯其爲闕略者多矣縱有生長於斯習見習聞於斯者傳述一二然單一漏萬安能發潛拾遺無

長葛縣志

卷末

微不顯無美弗彰哉余也簿書之暇詳加採訪而佐以胡司謙傅司訓相助爲理第舊志體例未稱盡善分門別類之間間有不合幸奉州憲甄公檄示揭其綱目以爲編輯之式俾得有所依據然後隨類以歸不至齟齬叢雜總之文歸諸史謀歸諸衆斷歸諸獨務斟酌於詳畧而不詭於疑信之說一一蒐討而考訂之凡閱八月余之城工告竣而邑志亦成呈政上憲然後付諸剞劂俾後之君子覽斯志也恍見分疆畫野之外山有陘山紫荆水有潁河雙泊如此其形勢也太邱之故里民風如此其淳泊也黃公遺愛之地職守者可以景仰也石梁架處阡陌井然吾民得安於耕鑿也至於已往職官孰臧孰否頻年戶口或簡或繁人材之蔚興科目之接踵懿行之流芳名賢之著作觸目會心當悉於斯志得之第淺學如余而兼諸登傭鞅掌之餘筆墨荒陋必有所不逮者尤望後之君子爲余諒焉是爲序清乾隆十二年歲在丁卯仲冬知長葛縣事燕山阮景咸撰

張氏續修長葛縣志稿序

粵稽掘突徙封吞虢檜以虎視寤生創霸躍溱洧而龍翔自定許與敗戎遂抗齊而軼
魯弦高忠義藏穆悔其陰謀子產博深晉平景其雅量故寶書飛彩葛天再著於春秋
瑞木炳靈栢社紛傳於魏漢乾麻坤釐人傑物華歷南北二十五朝江山屢改繼周秦
三千餘載風月恆新不有纂訂曷資考鏡乃自康雍而上板圖已付劫灰純睿以來文
物盡隨流水瓦鴛飛墮古碣苔埋石象摧殘斷碑蘚爛如董狐之可作方敢殺青奈司
馬之已亡誰爲表白藍一場富貴幻成春夢之婆半卷詩歌唱向秋墳之鬼問傭人何
在白帝城曾吊公孫使豎子成名廣武原長吁劉季性同小杜雅愛談兵材愧大家安
思續漢夫長葛背臨馬陵之道上應蝎宿之宮西來鷄塢之泉東界牛脾之嶺豫州心
腹會風雨於八方穎郡樞機爭興衰於五代澤融皇愷化洽禹流鳳凰城神雀來翔良
有以也德星里賢人高會豈偶然哉獨是洪旅入城簡章雲散江任毀署案卷烟消從
抱殘守缺之餘作補漏拾遺之舉論才學識非躬既乏三長所見聞傳華袞敢云一字
况世界波騰雷駛大放光明若體裁膠柱鏗舟益形固陋康武功之高簡翠自難工韓

長葛縣志

卷末

四

朝邑之謹嚴步何可學爰酌前書之凡例恪遵上憲之準繩提土地政事人民爲綱各
從其類循採訪編輯測繪之序分任厥勞時合時分時入時出沿革須詳屬郡屬道屬
府屬州源流共貫清德則鍾皓陳實聯美孝聞則方陳元直徐元直映輝動閥則長文陳
累代公侯才華則道彥陳滿門簪笏文學則鍾絲書聖柳陰習字之臺韓伯詞宗藩邸
清談之客仙逸則牡丹園雅稱花隱擺藍池嘗住葛翁工藝則髮市星羅圓結珠盤之
網蠶莊靈集曲梳螺旋之花其他名宦良師忠臣義友耆年碩彥貞婦淑媛翰墨名流
旅僑芳躅以及察氣禘考工程詳選規列時政辨宗教敘交通統計十四門條分縷析
綜承百七歲繼往開來尤難者蛇豕猖狂鷹鵬飛舞易穰鋤爲劍戟變桑梓爲萑苻兵
熟農荒銀河源竭盜肥民瘦錢樹根枯家無升斗之糧市乏尺尋之布空拳撐強巧婦
炊難且世遠年湮何處問片鱗隻爪山殘水賸敢保無沈玉遺珠然而元定杏遊著書
託興陳郎家處撰志據胸雖淵鼓洪鐘漫言嗣響而候蟲時鳥觸景斯鳴僕等攀卓傅
之崇崖尋葛天之故址岡摩佛耳井瞰仙人徘徊馬灼之泉惆悵龍窩之堰金魚河畔